

Awor kiko ta e propósito di un **Fiesta?**

Fiesta ta pa **Glorifiká!**

Tur **fiestanan** na mundu ta pa **Glorifiká**. No ta tur ora ta visibel ta ken nos ta **Glorifiká** ku un **fiesta**, pero tur **fiesta** ta pa **Glorifiká**.

Fiesta di kasamentu, ta pa **Glorifiká** e pareha ku a drenta enlase matrimonial.
Fiesta di kumplimentu di aña, ta pa **Glorifiká** e persona ku a hasi aña.
Fiesta di **Shabat** pa ami, ta pa **Glorifiká Dios Tata**.

Otro palabranan pa **Glorifiká** ta **Regosihá, Alabá** i **Honrá**.

Nos por **Regosihá, Alabá** i **Honrá** e pareha ku a drenta enlase matrimonial.
Nos por **Regosihá, Alabá** i **Honrá** e persona ku a hasi aña.
Nos por **Regosihá, Alabá** i **Honrá Dios Tata** ku **Shabat**.

Ami ta **Regosihá, Alabá** i **Honrá** e regalú ku ami a haña serka **Dios Tata**, pasobra **Kristu, Esun Ungi** a bisa: "No kere ku **Mi** a bin pa abolí òf deshasí di **e Lei** òf **e Profetanan**; **Mi** no a bin pa abolí òf deshasí òf pone un fin na e **Siñansanan**, sino pa **kumpli (Mateo 5:17)**.

E palabra rais di **kumpli** den Griego den e verso aki ta: **pa traha un fundeshi riba kua por sigui traha bai dilanti**.

Kristu, Esun Ungi a bini pa **pa traha un fundeshi riba kua ami por sigui traha bai dilanti**. Ta pa esei **Fiesta** di **Shabat** pa ami, ta pa **Glorifiká Dios Tata**. Ora ami **Regosihá, Alabá** i **Honrá Dios Tata** ku **Shabat**, ami ta **traha bai dilanti** manera **Esun Ungi** a bin pa **siña ami**.
Esun Ungi a pone e **fundeshi** kaba pa ami **sigui traha bai dilanti. Shabat** ta parti di e **fundeshi** ku **Kristu, Mesias** ta papiando di dje den **Mateo 5:17**.

21 Oktober 2016,
Sea Bendishoná den e Amor di Yeshua Mesias
Rev. Remsly L Riley